

欽定剿平三省邪匪方略

欽定剿平三省邪匪方略正編卷一百七十一

庚申年

閏四月初一日

癸丑

額勒登保奏言

臣

前於十九

日在鎮安干溪溝將剿賊情形具奏後偵探各

股賊匪均向山陽商州邊界分路逃竄戴家營

張添倫兩股奔商州之東北張世龍一股奔商

州之南并探知楊開甲等股賊匪由山陽九里

坪竄至黑山口一帶經國霖愛星阿等帶領官

兵并該州知州陳祁督率鄉勇截擊頗有斬獲  
鄉勇等亦有傷亡賊匪於十五日已竄往雒南

臣查各該匪向商州逃遁其意自欲竄往河南

且楊開甲等股已竄雒南漸近豫省尤應先行

趕剿臣遂督兵由採玉窰九間房曹家坪葛牌

鎮米湯河等處沿途趲程追賊而進二十三日

知戴家營張添倫等已竄大龍廟張世龍股匪

在金林川焚掠相距祇四十餘里臣於是夜四

鼓發兵馳往金林川午前追及賊尾斬戮四十

餘人該匪等已向赤峪河南竄該處從上官房

下官房等處仍可轉入商州且楊開甲一股現

在雒南急宜抄截臣卽督師徑趨商州紮營時

已更餘查得楊開甲等股賊匪由雒南之保安

街竄至寬坪商州左近均有賊匪尤當以竄過

雒南之楊開甲等股爲最要臣遂於商州之三

台嶺拿卡駐營以張聲勢控扼各路二十四日

五鼓密令楊遇春穆克登布等帶領勁兵三千

餘名取道張村覓路抄出寬坪務將楊開甲股

匪截剿攔回楊遇春等於黎明甫至張村卽擒

獲賊探三名訊知楊開甲與辛聰宋麻子三股

賊匪合爲一夥要由輝峪川密莊竄出液村從

龍駒寨前往河南楊遇春等當將官兵分作數  
路格布舍帶協領五德叅將楊芳等爲一路穆  
克登布帶領侍衛噶達鼐總管富里善遊擊張  
瑗等爲一路侍衛色玉慎車森保同全德永廷  
雙福明喜帶都司吳廷剛桑漢等率領馬步官  
兵爲一路均跽道掩擊楊遇春帶副將豐紳喜  
明張鳳豆壽遊擊李東宣唐文淑朱槐司國屏

姚士華都司朱集才等由西而南預扼龍駒寨  
去路官兵先後進逼輝峪川大夥賊衆正在圍  
撲輝峪寨洞一見官兵前來迎拒官軍四面俱  
進衝入賊羣痛加砍戮餘匪奔竄山梁我兵乘  
勝追越數重大山共計斃賊六百餘名生擒男  
婦七百餘名口奪獲賊破鎗械旗幟騾馬不計  
其數維時恒瑞帶兵亦從龍駒寨之東抄來夾

擊殺賊一百三十餘人該匪等又向南從馬鹿  
坪通山陽之路窮奔查割獻首級內有賊目一  
名據獲賊指認係楊開甲之子楊康并於獲賊  
內認出頭目唐國元陳順璠周錫錦等三名當  
卽凌遲處死從賊已久之賊亦卽正法其餘被  
裹男婦三百二十五名口概行釋放又陸續奔  
回裹脅男婦約一千餘人多係商雜等處居民



亦卽省釋訊問馬鹿坪山後尙有可通入豫之路次日恒瑞卽帶兵先往商南一帶攔剿探聞戴家營張添倫等股匪又有接踵從雒南竄來之信楊遇春等卽在龍駒寨一帶迎剿再查伍金柱一股人數亦衆又向鎮安洵陽等處逃遁前接那彥成來信督兵從大仁河茅坪一帶而進當可截擊因道路梗塞日內亦未得有信息

刻下附近商州除楊開甲辛聰宋麻子外尙有  
戴家營張添倫及張世龍等股賊匪此一帶山  
路正東則近豫之盧氏東南則近楚之鄖西正  
北又係雒南通豫之路正西爲陝之藍田渭南  
西安等處在在均爲腹地現將楊開甲等股之  
賊痛加斬戮合之所獲及散出者約計亦有數  
千餘衆然此外股數不少卽剿潰之衆東折西

逃分合無定仍難必其趨向以大局而論此時  
豫之盧氏一帶最關緊要而商州之龍駒寨係  
赴盧氏大路業經官兵截斷其樂莊一帶現有  
總兵常林在彼堵剿而清山一路又有總兵田  
永桐帶兵堵截臣已分行嚴飭晝夜防範并移  
咨吳熊光酌量添調兵勇務期嚴密其鄖西之  
鄉勇向甚得力地勢亦險賊匪屢經窺伺未敢

深入至陝之藍田縣現有總兵觀祥帶領馬步官兵一千餘名堵禦亦已飛飭相機截堵臣惟有督率楊遇春等將所有賊匪盡力剿辦并隨時知會那彥成恒瑞等各帶兵趕緊截擊自可以次掃滅奏入

上命軍機大臣傳諭額勒登保曰此次額勒登保探知戴家營張添倫楊開甲等股賊匪分竄商州雒

南一帶遂督師徑趨商州紮營密令楊遇春等帶兵分作數路並扼住龍駒寨四面痛加砍戮恒瑞亦帶兵抄來夾擊將楊開甲股匪殺斃七百餘名救出被脅男婦一千餘名尙屬奮勉現在陝省竄匪情形額勒登保知盧氏一帶緊要將龍駒寨赴盧氏大路截斷不令賊匪東竄所見甚是此時各股賊匪在商州一帶奔竄其東南係鄖西交界該

處僅有道員恒慶等在彼防堵兵力究恐單弱正  
西則係藍田渭南等處雖有觀祥帶兵一千餘名  
在彼防禦亦恐難以倚恃額勒登保總當設法兼  
顧而正東逼近河南盧氏邊界正北係雒南通豫  
之路尤須實力攔截不可恃有豫省官兵防堵稍  
存推卸之意此時四川賊匪責成德楞泰勒保剿  
辦湖北賊匪責成明亮倭什布辦理額勒登保那

彥成在陝自應將陝境之賊逼歸一處現在楊開  
甲張添倫戴家營伍金柱等股均在商雒鎮安一  
帶額勒登保那彥成正可趁此機會將賊匪漸逼  
漸緊聚而殲旃前此賊匪竄入老林伊等以路迳  
叢雜險峻官兵難於進攻及賊匪奔出老林伊等  
又以賊勢散漫兵分力單總未能制賊死命此次  
必須預操勝算如以賊在老林爲易辦卽將賊驅

入於各要隘口設卡嚴堵或挖斷路徑使賊匪不能逸出株守深山無從覓食無難乘其饑困一鼓剿除如以賊入老林爲難辦亦當設法轟出將各處路口實力防堵不使賊匪再行竄入擇一形勢可以合圍地方逼令各股之賊悉歸一處然後各路大兵合力攻剿自可悉數殲擒著額勒登保那彥成將陝省全局悉心籌畫將如何四面分佈以



逸待勞之處詳悉具奏前已降旨令額勒登保咨  
調甘涼兵二千名德楞泰勒保軍營分派貴州兵  
二千名赴陝又有在豫境防堵之直隸山東山西  
兵五千名如賊匪離豫已遠令吳熊光撥往陝西  
協剿茲又諭令吉慶速將廣東預備兵三千名迅  
赴額勒登保等軍營共計已有一萬二千名此項  
大兵雲集與陝境各路現有之兵聲勢極爲壯盛

無難處處兜截使賊匪聚集一處剿除淨盡至軍糧轉運自須就近供支方能隨時接濟且紆途輸挽勞費轉多自不如移設糧臺分員經理爲便已令長麟台布會籌妥辦矣

同日德楞泰奏言

臣

前帶兵向昭化前進十三

日探得剿敗之賊由蒼溪北走欲出廣元尖場子茅壩圖竄陝西黃官嶺一帶查茅壩等處路

逕紛雜在在可通陝界當卽渡桔柏河取道廣  
元縣之通坪扼其去路十五日趕至通坪是晚  
兵勇盤獲逃出難民陳永祿等訊稱藍白等號  
賊匪在川西壩被官兵痛剿聽說過河要往陝  
西可以會合別股匪衆惟恐前有堵截不能過  
去等語當卽照例省釋詎該逆等已知我兵趕  
到通坪卽由梁家場連夜遁逃查前途之百丈

關亦爲四達之處

臣

於三更後卽先帶兵起程

於十六日午刻進至百丈關距賊祇隔兩道山

梁當卽發兵迎前進剿該匪等遙見我兵先已

亡命奔逃

臣

復率兵勇極力趕追至七十餘里

之木門場未得痛剿時已初更祇獲落後賊匪

魏木橋魏楊氏等十二名口訊據供稱藍白等

號賊匪原思過陝不料數路都被官兵截住無

處覓食今分散行走。到川北後。會合幾營。總要  
拚死過江。等語。當卽分別辦理。訖嗣探白號在  
魏家壩地方。已與鮮大川一股合夥。由巴州至  
山鼎山而逃。藍號等股人數較多。由巴州直走  
儀隴。其勢已趨江岸。緣河東廣元南江巴州等  
處洞寨險固。而又聯絡善守。故各逆往來經過  
每爲寨民截殺。其間實難屯踞。無從逞其蹂躪。

迥非河西可比惟嘉陵一江綿長千有餘里刻  
下江水尙未漲發淺灘處所可以跣渡者實多

雖節經

臣

與勒保飛飭沿江道府州縣預爲設

法淘挖深廣多集團勇日夜嚴防第恐團勇懦  
怯究不足恃二十一日行至儀隴縣之羅板橋

該處可以繞出蓬州丹口沿江一帶

臣

卽於隊

內抽撥兵勇二千餘名派令副將託雲泰遊擊

李東山等帶領由舟口過江西岸確探賊蹤協同地方文武團勇沿江堵禦並令嚴查船隻務期斷絕往來二十二日

臣

至儀隴土門舖探報

藍號賊匪已由賽金場竄至營山之豐登舖一

帶均距舟口不遠

臣

卽趕向豐登舖舟口沿江

東岸進剿連日盡力趕追賊匪惟恃狂奔不敢

接仗

臣

惟有鼓勵兵勇極力窮追截其竄渡以

冀早爲殲除再臣入川後因賊衆兵單添調總

兵李紹祖副將倭星額所帶各兵並屯土鄉勇

共有萬餘員名隨營糧員通判伍文森職分較

小恐其呼應不靈查石作瑞係前奉

諭旨令在軍營効力之人該員在川年久辦理軍務

精明熟練當卽札致魁倫調其來營派令總理

隨營一切事件該員接辦以來營中需用軍火



糧餉等項源源接濟得以連次克捷每遇臨陣  
投出難民及擒獲匪犯均交令研訊實屬無縱  
無枉至撫卹難民一事該叅員辦理亦俱妥協  
並無一夫失所民情真爲悅服至陣亡兵勇不  
過數名應查明咨部辦理奏入

上命軍機大臣傳諭德楞泰等曰藍白等號賊匪欲出  
廣元竄入陝省經德楞泰督率兵勇扼其去路賊

匪復思竄回川西實爲可恨現在防守嘉陵江最爲緊要德楞泰抽派兵勇二千名令託雲泰等馳赴沿江西岸協同該地方文武團勇防堵所辦甚是德楞泰務當嚴飭該文武員弁分段實力嚴防毋稍疎忽此時大股賊匪竄在巴州營山一帶去江岸不遠德楞泰趕向豐登鋪帶兵進剿務須上緊追擊卽在該處將賊匪殲除淨盡至已革道員

石作瑞隨營辦事諸無遺悞著准其留營効力如果始終奮勉俟大功告竣後再行奏請酌量加恩

同日吳熊光奏言

臣

查豫省防兵統計六千有

餘以之散處各卡隘實不足以資分佈現蒙派

撥直隸山東兵各一千名來豫並令江南提督

定住前來會商防堵實屬有益計各官兵到來

尙須時日刻下陝省賊匪一大股已竄至山陽

之東薛家溝一帶尙有由鎮安竄行東竄者恒  
帶兵往來攔截其辛楊韋三姓一股竄至大  
小文峪等處距雒南縣城二十里連日在彼游  
奕未敢東趨豫省邊境十分緊要想額勒登保  
等必酌分一路大兵趕赴東路兜截臣惟有督  
率該鎮將等就現有兵力相度機宜盡心竭力  
擇要嚴防並稱添調吉林黑龍江等處勁旅數

萬來豫截剿出示曉諭通行張貼以安民心而  
寒賊膽至豫省軍餉本形支絀

臣以

帑項有常未敢瀆請是以札飭藩司於本年徵收  
各錢糧內通融籌撥但錢糧俱有正用今既添  
兵應請

勅發部餉五十萬兩解交豫省藩庫收貯

臣

當諄囑

藩司倍加撙節並通盤籌畫如可無需動用將

來卽就近撥解陝楚亦屬便捷再豫省盧浙一  
帶邊境各卡及分駐官兵之處早經臣開單迎  
寄經畧額勒登保等查閱茲探聞額勒登保已  
於四月二十三日行抵商州定於次日趕赴龍  
駒寨東路兜剿目下賊匪楊開甲一股已竄至  
雒南之寬坪一帶今額勒登保帶兵前往抄剿  
自可不至東竄但賊情狡詐異常商雒一帶山

徑叢雜且鎮安以西賊股尙多凡官兵所不能  
登陟之處賊匪可以攀附而趨是此等賊匪卽  
經大兵由東向西擊退仍難保其不復折竄除  
仍飭各鎮將加意嚴防外所有直隸山東兵丁  
各一千名臣已飛催前來以期有備無患如將  
來賊蹤漸遠或將此項官兵就近撥往陝西協  
剿亦屬便捷不致徒滋勞費奏入

上命軍機大臣傳諭吳熊光曰本日據額勒登保奏  
在商州扎營分兵扼住龍駒寨與恒瑞夾擊將楊  
開甲一股賊匪殺斃七百餘名並將龍駒寨赴盧  
氏大路截斷看此情形賊匪自不能東竄豫省但  
吳熊光仍當督飭田永桐常林實力防堵不可稍  
有疎懈至前調直隸山東山西兵共五千名加以  
餘丁幾及萬人軍威不爲不壯吳熊光將勁旅數



萬來豫截剿情形出示曉諭陝省竄匪更不敢再行窺伺所辦甚妥此項添調之兵如陝西賊蹤已遠吳熊光一面奏聞一面就近撥交額勒登保等帶領剿賊不必再行候旨

同日

上命軍機大臣傳諭吉慶曰現在陝省剿辦賊匪正當喫緊之際著吉慶卽將所挑廣東兵三千名派

委會經出兵諳練行陣之將領管帶迅速啟行就近取道由湖北前赴陝西軍營交與經畧額勒登保叅贊那彥成聽候調遣

同日

上諭內閣曰著於部庫內撥銀八十萬兩廣儲司撥銀二十萬兩共銀一百萬兩將五十萬兩解往河南省城交與馬慧裕存貯藩庫以備吳熊光撥用

又五十萬兩解往陝西交與長麟台布以備軍需之用

初三日乙卯長麟奏言查陝省商州所屬之雒南

縣東北與河南閿鄉接壤正東與河南盧氏接壤雒南之南爲商南東與河南淅川接壤南與湖北鄖縣接壤商南之西爲山陽南與湖北鄖西接壤山陽之西爲興安府屬之洵陽東南與

竹谿接壤白河縣則南北東三面皆與湖北接  
壤平利縣則東南與湖北接壤西南與四川接  
壤自安康紫陽以至西鄉城固南鄭褒城沔縣  
寧羌各州縣皆南與四川接壤邊界延長至二  
千餘里雒南通豫隘口有太峪口分水嶺藥莊  
等處商南通豫隘口有捻耳溝桑樹富水關赤  
地等處商南通楚隘口有普峪河趙家川金山

廟馬家坪等處山陽通楚隘口有蒿坪河沙溝  
口漫川關等處洵陽通楚隘口有仙河鋪藍灘  
大壩口等處山僻小徑尙不在內白河平利安  
康西鄉四縣皆在漢江之南北岸須防陝匪南  
渡南岸須防川楚各匪北渡大小隘口更難數  
計至陝甘之兵王文雄廣厚現在褒城沔文階  
等處防川匪竄甘之路和興額索費英阿長春

汪琰現在江口桅桿石一帶防堵陝匪折川之  
路觀祥現在各峪口堵禦賊匪奔竄平原之路  
慶溥溫承惠現在安康平利遇有奔竄賊匪賴  
以剿捕惟臣所帶官兵尙須截擊賊匪亦屬不  
敷分佈臣再四思維合無仰懇

聖恩勅下吳熊光姜晟或親赴邊界或派委大員來  
至陝豫楚毗連處所會同妥協辦理三省同心

集賢堂奏稿卷三  
七  
合力如陝省無兵借資楚豫楚豫兵力不敷陝  
省添募鄉勇彼此接濟互相聯絡聲威壯而防  
範周自可藉挫賊鋒以助剿除之力一省辦畢  
先將一省派防各員開繕清單繪圖貼說恭呈  
御覽至川省督臣現在督兵進剿藩司駐守省城均  
屬不能分身應請

勅下臬司先福迅赴寶元太平一帶與臣合兵會辦

至現在賊匪已經竄至雒南山陽等縣距豫甚

近臣自江口馳抵雒南一千四五百里帶兵行

走至速亦須十有餘日竊恐緩不濟急聞額勒

登保已經飛咨吳熊光親赴邊界嚴密堵禦臣

自應迅速前往協力辦理除分別移飭現在江

口一帶防堵之和興額索費英阿汪啟等晝夜

小心防堵一經額勒登保札調卽行趕緊前進



臣業將前赴陝西邊界緣由咨呈額勒登保那  
彥成德楞額查照刻卽起身趕緊前進奏入

上命軍機大臣傳諭長麟曰長麟奏稱陝省雖南商  
南平利等處地界與川楚豫三省毗連所有坊堵  
事宜應令姜晟吳熊光先福來至各邊界會商辦  
理等語吳熊光現在盧氏距商雒不遠或可相約  
會晤至姜晟現回武昌省城先福遠在成都豈能

越一二千里之遙前來陝省邊境與長麟面商辦理長麟身任陝甘總督惟應將本省各隘口嚴密守禦使本境之賊不致出境外來之賊不至入境卽屬盡職何必爲川楚豫三省代籌乎再副都統額勒亨額帶領盛京兵一千名在漢江防堵總未見伊打仗一次豈竟坐擁多兵在彼閒住耶並著長麟查明覆奏

同日吳熊斗奏言三查陝省賊匪雖俱竄近山

商一帶經畧大兵已趕赴東路昨奉調直隸兵

一千名業經臣飛催迅速來豫其續行添調之

一千名似應從緩臣已飛咨胡季堂祇須密爲

挑補預備暫且無庸起程其山西駐劄蒲州之

候調兵三千名早經伯麟撤回二千現止一千

名亦夫知是否係大同兵丁蒲郡與豫省閩鄉

靈寶祇隔一河此時陝省賊匪竄擾維南縣境  
若直向北趨卽近靈寶閿鄉邊界是此項兵丁  
前進正可以壯軍威而寒賊膽再臣原擬前赴  
盧氏就近經理閿陝省雜南一帶額勒登保已  
派兵赴被兇剿而商州以南山陽等處賊股奔  
竄無常那彥成現在山陽之西恐賊東趨商南  
富水關青山等處更關緊要臣是以暫駐荆子

關扼要調度并可兼顧江防擬俟察看南路情形稍定卽行馳往盧氏督率辦理再臣昨接額

勒登保來咨以現派提督楊遇春帶兵赴東路

兜剿札飭兩鎮田永桐等均聽其指撥臣思經

畧綜理軍務臣亦當受其節制所有豫省官兵

自應聽其調度但豫省地廣兵單因邊界無險

可扼是以各官兵已移駐雒南商南境內若復

遠出剿賊倘賊匪乘虛而入所關甚鉅臣已飭

知各鎮將總須緊顧東甯邊境如賊匪竄近卽

當幫同奮擊萬不可越江剿賊並一面寄覆額

勒登保查照現探賊匪揭開甲一收竄至雒南

之汝村地方經楊遇春帶兵前往適值恒瑞到

彼夾擊已獲勝仗事機尙屬順利臣仍飭各鎮

將加意嚴防不敢稍存大意又據臬司完顏岱

稟報賊匪竄至湯壺口距涓口灘二十餘里該  
司已帶兵移赴下游嚴防

臣

又飛飭該司等祇

在江北一帶慎密巡防不必渡江剿賊再查楚  
北賊匪於正二月間經倭什布與總兵孫清元  
帶兵分路攔截賊匪尙不敢往來自如自明亮  
到湖北以後總與倭什布合營前進在明亮之  
意自爲剿賊起見但月餘以來總未聞楚北打

仗殺賊而賊轉四散竄擾無所攔禦均穀一帶  
一聞賊至難民卽紛紛渡江其中難保無賊匪  
混入偷渡臣疊經札飭該司道務須會同湖北  
地方官實力稽查賊近時不許濟渡以免疎虞  
雖楚省賊數不如陝省之多第楚北民情刁詐  
襄陽一帶卽屬逆匪起事之區若耽延日久竊  
恐別生事端臣不敢不據實奏



聞奏入

上命軍機大臣傳諭吳熊光曰陝省賊匪雖俱竄近  
山商一帶現在經畧大兵已赴東路業經諭令胡  
季堂將添調兵丁一千名在正定駐紮並令伯麟  
俟大同兵一千名到蒲後卽在該處防河均無須  
前赴豫省矣但賊匪情形無定若又逼近豫省仍  
應速調爲是至吳熊光札知田永桐等緊顧東面

邊界如賊匪竄近卽帶同奮擊不可越境並飭令  
完顏岱在江北慎密巡防亦不必渡江剿賊所見  
皆是豫省西南兩百均關緊要仍當分飭嚴防不  
可稍有疎懈至所稱明亮到湖北以後與倭什布  
合營月餘以來總未聞楚北打仗殺賊一節明亮  
倭什布皆係棄瑕錄用之人若果有玩愒情事亦  
當嚴行懲辦著吳熊光確切訪查不可因伊等曾

經獲罪又邀錄用心存遷就亦不可因輕聽地方  
官稟報致有屈抑總當秉公查詢據實覆奏

上又命軍機大臣傳諭胡季堂曰豫境邊界現有本  
省兵勇並前調之直隸山西兵丁二千名足資堵  
禦所有添調之直隸兵丁自應暫緩派往著胡季  
堂轉飭總兵扎勒杭阿道員喬人傑將第三起第  
四起兵丁在正定地方駐紮如豫省尙須兵力該

督接到吳熊光知會卽迅速派往或額勒登保在  
陝咨調或另有諭旨派往何路胡季堂再行調派  
前往可也

上又命軍機大臣傳諭伯麟曰前據伯麟奏稱留蒲  
駐守大同兵二千名內已撤回一千名將未經歸  
伍之六百名飛飭渡河其尙缺四百名咨明太原  
鎮就近挑撥是此項兵丁尙未齊集現在豫省防

堵之兵已足數用蒲州地方與陝境毗連亦不可  
無官兵駐守所有續撥之大同太原兵一千名卽  
在蒲州沿河一帶暫行駐劄如豫省尙須兵力該  
撫接到吳熊光知會再行迅速派往或額勒登保  
在陝咨調或另有諭旨派往何路伯麟再行遵照  
調撥發往可也

欽定剿平三省邪匪方略正編卷一百七十二

庚申年

閏四月初六日

戊午

額勒登保奏言

臣

前此督令

官兵截剿楊開甲等股匪折竄山陽恒瑞帶兵  
復由商南一帶兜擊嗣叠接恒瑞來信因官兵  
躡蹤緊追該匪等不能前往商南業由紅花寺  
高壩店竄往山陽之西恒瑞現又帶兵由高壩  
店黑山口一帶趕擊所有戴家營張添倫等股

賊匪踵至雒南之麻坪地方仍欲東趨

臣復飛

飭楊遇春格布舍穆克登布等星馳趕擊二十八日傍晚楊遇春等率兵前抵雒南之大栗西據投出被擄之人聲稱張添倫與戴四掌櫃昨在麻坪地方吵鬧張家營說今大兵俱在商雒楊開甲等喫虧未能前往河南我等斷去不得戴家營又說我等馬上人多要奪路由龍駒寨

匪後來張家營就先從原路折回戴家營約有  
三四千人等語又差探此股賊匪在兩岔河焚  
掠楊遇春同格布舍穆克登布色玉慎車森保  
富里善全德傳陞噶達鼐喜明豆壽張鳳榜芳  
等將馬步兵勇分作三路於二十九日三更起  
營已刻抵兩岔河口該匪等竟敢攢集騎馬賊  
匪數百人各執長矛直前迎拒並賊衆尾隨



喊搶撲官兵楊遇春等所帶之兵有從山梁下  
壓者有於河邊直進者鎗箭並發斃賊多名賊  
尙不退却格布舍計馬隊中必有頭目與衆將  
楊芳躍馬衝入發箭連斃賊匪該匪等竟用長  
矛圍戳格布舍楊芳用弓刀格架格布舍被子  
桿打中膀背已經墮馬幸傳陞在傍放鎗將此  
賊打斃復連斃疊斃馬上賊匪騎馬之賊輒潰

因該員等互相策應竟無損傷時值前鋒校碩  
登保並吉林甲兵額爾登額鄉勇趙文超等挺  
身衝入馬步兵勇亦卽向前左衝右擊刀砍矛  
戳斃賊數十人賊衆奔散我軍得此勝勢從南  
麻街黃柏岔一帶追剿三十餘里殺賊四百餘  
名生擒男婦七百五十六名口逃散者無算奪  
獲大礮烏鎗旗幟刀矛騾馬亦多維時國霖愛

星阿亦帶兵由保安出抄來沿路搜殺賊匪五十餘人天色將晚各山梁林箐俱有逃匿之賊楊遇春等於張家坪駐營於活賊內訊出偽副元帥徐添俸執旗首張老大探馬頭陳金禮李添維等犯供稱此股賊匪係戴四掌櫃爲首他有四個偽元帥趙姓吳姓李姓余姓其余姓已任鎮安無峪溝被官兵殺死餘無要供當卽凌

遲處死其餘從賊已久之犯均卽正法內有男婦三百五十四名口查明實係被擄均經分別給票釋放三十日楊遇春等一面搜捕餘孽前進於老毛溝一帶追及賊匪又殺賊一百餘名餘賊尙剩有一千數百人由米湯河等處往西南逃遁仍飭該提督等務將此股餘孽先行趕剿淨盡又查米湯河尙有折奔商州之路

臣

又

派令岱森保安福富提舉福根福忠阿及副  
將胡定泰遊擊王兆夢等帶領官兵六百餘名  
赴麻澗要路設伏攔截

臣

亦卽於初二日由商

州起營前赴金林川一帶督催並爲各路策應  
查楊開甲各股賊匪日下多奔竄西南離河南  
邊境已遠正應各路合力趕剿以期及早殄滅

山陽西南現有楊張等股賊匪游奕

臣

已札知

恒瑞劉之仁柯藩一面趕剿一面仍緊顧東趨  
之路楊遇春等若能將戴姓一股之賊剿淨

臣

又當查探賊蹤督率再剿別股其那彥成所剿  
之伍金柱一股賊匪據鎮安縣稟報已竄該縣  
之兩河關那彥成亦帶兵追擊又據慶溥溫承  
惠稟報湖北竄匪在竹谿縣將竄近平利該鎮  
等業已帶領兵勇前往白土關關垭子一帶截

擊所帶兵勇向尙得力臣已札飭認真堵剿上

緊撲滅奏入

上命軍機大臣傳諭額勒登保那彥成曰此次額勒  
登保兼程馳至商維截剿楊開甲等股賊匪知以  
東面爲重並探知戴家營張添倫等股賊匪竄至  
維南地方卽飛飭楊遇春等星馳趕擊在兩岔河  
口地方奮勇截剿殺賊四百餘名生擒男婦七百

五十六名口復於老毛溝一帶追及賊匪殲殺多名餘匪俱由米湯河等處往西南逃遁距河南邊境已遠所辦深爲可嘉額勒登保著交部議敘並賞還花翎仍賞給金盒四喜玉搬指鑲寶石玉火鐮鑲寶石玉搬指套大小荷包以示優獎至於痛殲賊匪固由額勒登保調度得宜而提督楊遇春督率官兵從山梁下壓並於河邊直前奮擊打杖



最爲出力著加恩給予雲騎尉世職仍賞給四喜  
玉搬指玻璃銅盒搬指套大小荷包副都統銜格  
布舍於賊匪迎拒時計馬隊中必有頭目卽與叅  
將楊芳躍馬衝入發箭連斃賊匪格布舍被矛桿  
打中膀背墮馬復戰均屬出力格布舍著加恩給  
予恩騎尉世職並賞堪達罕搬指搬指套大小荷  
包楊芳著賞給畢什古巴圖魯名號照例賞銀二

百兩並賞戴花翎仍著額勒登保查明如楊芳已  
賞花翎並曾給巴圖魯名號卽行奏明另降恩旨  
三等侍衛傳陞於格布舍墮馬時在旁放鎗將用  
矛賊匪打斃格布舍得無損傷復連放鎗斃馬  
上賊匪騎馬之賊卽行潰散深爲可嘉著超陞頭  
等侍衛仍賞給呼嵩額巴圖魯名號照例賞銀一  
百兩用示鼓勵其餘打仗奮勇之前鋒校碩登保

吉林甲兵額勒登額鄉勇趙文超等仍著額勒登  
保查明應如何加恩擢賞之處俟奏到日再行分  
別加恩此外尙有帶兵奮勇出力人員摺內未經  
聲敘者俱著一併查奏候朕酌加恩獎至那彥成  
長麟台布三人與額勒登保同係辦賊之人前因  
賊匪竄近豫省額勒登保未能豫爲調度而伊三  
人亦不能辭咎是以一併革去花翎今額勒登保

既將賊匪截回業經賞戴花翎那彥成長騰台布  
亦俱著加恩賞還花翎可見伊等一人有功卽四  
人同邀恩獎務宜齊心併力速將賊匪剿淨其膺  
懋賞若彼此各存意見互相推諉致任賊匪往來  
奔竄辦理遲延亦當同受重罰也現據額勒登保  
審訊獲犯所供張添倫與戴四掌櫃彼此吵鬧分  
路逃竄情形看來賊情已經渙散正可乘機趕辦

額勒登保等尤當勉益加勉相機併擊以期一鼓撲滅此時賊匪離豫已遠但被剿緊急或又思竄入老林亦未可定額勒登保等亦當先事籌畫妥爲佈置杜其竄入老林之路於剿捕自更得力至國霖前在商州未能攔住楊開甲等股賊匪任其竄入雒南並奏稱附近賊匪多至數萬國霖素未經歷戎行其人本不足恃但亦應查明國霖在商

州時如果兵力有餘並未與賊打仗輒捏稱賊匪  
數萬張皇入奏則既畏憚不前又復捏詞誘卻自  
應嚴加懲治額勒登保卽當一面叅奏一面將國  
霖革職鎖拏解京治罪如國霖實因賊多兵少與  
賊接仗不能攔截尙非有心捏飾亦應據實叅奏  
現在額勒登保處帶兵得力之人自屬不乏如國  
霖之庸懦無能留彼無益卽飭令回京候旨其商

州一帶仍著額勒登保酌量情形如該處賊氛已  
遠無須防守自不應令有用兵丁在彼閒駐卽當  
撤回大營派撥剿賊倘商州尙須官兵駐紮額勒  
登保應另派勇幹將領前往該處接帶國霖之兵  
以資堵禦

同日長麟奏言竊

臣 欽奉

諭旨以前奏賊氛漸遠移兵江口分段防堵一摺種

種錯謬

臣

感激悚惶實罪無可辭惟有帶領

官兵迅速趕赴東路倘賊匪未竄豫境

臣

卽會

同吳熊光竭力堵禦並迎頭截擊以期將賊匪

全數攔回如

臣

趕抵繼雨之時賊匪已經竄入

豫境

臣

卽繞出潼關出關鄉陝州一帶視賊趨

向抄赴賊前迎頭截攔總由東北兜向西南不

令深入冀得以堵濟剿迅就殄除稍贖前愆於



萬一惟

臣

所帶兵力未免較單若將索費英阿

長春汪啓防守江口五道梁一帶之兵全數撤  
帶前往則額勒登保那彥成接奉此

旨自必繞赴東面設法截回倘或賊匪盡向西奔無  
兵攔阻散漫四出剿捕又需時日是一誤又成

再誤而

臣

之獲罪爲尤重惟有副都統和興額

帶兵一千五百名近左  
斜峪關可以順道帶往

而該處亦不可無兵防守查鳳邠道王文湧帶  
領兵勇一千餘名駐防寶雞情形尙非緊要

臣

已令其移駐斜峪關以補其缺適據商州稟報  
賊匪於二十一日竄入商州境額勒登保於二  
十三日趕抵商州城南三台山已派提督楊遇  
春總兵穆克登布帶兵分赴東路迎頭兜截再  
查南山一帶處處皆有老林而五郎以西尤爲

廣遠如將現駐江口之兵進守五郎高關一帶  
則北扼秦嶺南達漢江非特賊匪不能折回甘  
省亦不能竄回老林今臣已帶兵趕赴東路不

能兼顧額勒登保等進抵商州相距較遠現駐  
江口之總兵索費英阿長春汪啓等無人統率  
臨時有應行進兵之處必俟經畧札調文移往  
返或恐有誤機宜查大兵均在商雒等處距省

局甚近而漢中軍需事務較簡且有道府承辦  
台布似可移駐江口相度情形如東面布置旣  
嚴不致東逼賊匪闌入豫境卽督率各鎮移師  
五郎高關一帶扼其折回老林並竄入甘省之  
路庶於剿捕大局稍有裨益奏入

上命軍機大臣傳諭長麟台布曰長麟接奉前旨知  
剿辦賊匪以東而爲重卽帶兵趕赴東路迎頭攔

截自屬正辦但據稱賊匪如未竄入豫境即會同  
吳熊光竭力堵禦一節所辦又爲失當長麟係陝  
甘總督如遇賊匪東趨逼近豫境自應卽在陝省  
地方設法抄截豈有遠涉豫境轉與吳熊光會同  
堵禦將賊匪逼回陝境卽爲完事之理固不可以  
鄰爲壑亦不應引賊入室節經降旨令長麟台布  
與額勒登保那彥成四人將剿辦賊匪應如何兜

圍截擊逼歸一處併力殲擒之處會商妥辦今長  
麟奏到情形仍未通盤籌畫竟不思將各股賊匪  
卽在陝境剿滅似此往來追躡竄匪何時剿竣現  
在分竄商雒一帶賊匪業經額勒登保督兵堵截  
復向山陽之西一路窮奔長麟已帶兵趕赴東路  
若賊匪盡向西奔無兵攔阻剿捕又需時日長麟  
旣知一悞豈容再悞已仍令索費英阿長春等在

江口五道梁一帶防堵所慮極是本日又據額勒  
登保奏將戴家營等股賊匪悉行逼向西南離豫  
已遠此時東路情形又不似從前著重長麟應卽  
確探賊蹤與額勒登保等爲兩面夾擊之計或設  
法繞出賊前村其竄回老林之路於山商五郎一  
帶將竄匪悉數殲除毋再遲緩其應取道何路前  
往迎截聽長麟自行酌定相機辦理至大兵現在

商雒等處距省甚近省局有司道等承辦而漢中  
軍需事務較簡台布自應移駐江口一帶協同總  
兵索費英阿等扼要堵截以杜賊匪折回老林之  
路總之額勒登保那彥成長麟台布四人所辦同  
係一事現因額勒登保將賊匪截向西南已降諭  
旨將伊同那彥成長麟台布一併賞還花翎可見  
一人有功四人同賞如果能齊心併力大功告成



聯必一體加恩若各存意見互相推諉不以國事  
爲重罰亦同之不可不倍加奮勉也

初八日庚申明亮倭什布奏言查青號徐三等逆

合成大隊馬步衆多在均房穀城邊界滋擾四

出焚掠行蹤極爲譎詐臣等統領官兵從房縣

東北抄出二十日據報該匪由管峪地方闖入

穀城西界勢將東奔襄陽大道並分股北走希

圖乘間槍渡江面臣等帶兵從古路嶺鳳凰寨

截出兼程前進二十四日黎明行抵謝家灣之

趙家山正遇賊匪大股從石花街衝出該處臨

近大道山勢散漫溝內均係稻田四圍平坦處

村落相聯竹木叢密俱有賊匪設伏該匪自恃

賊夥衆多分成十餘隊旗幟密布兼有馬賊三

四百騎搶佔山梁直前衝撲情形兇悍已極當

派副將樊雄楚遊擊胥泗起等帶兵從北面兜

出叅將烏爾卿額都司雙柱守備孫鉞千總馬

中俊等帶兵從南路抄進

臣

明亮率守備張霞

舉等帶領兵勇從中路迎前直擊

臣

倭什布帶

領都司何天標鄧興相守備六達色等帶兵繞

出石花街大道兜賊北竄之路並帶步兵在各

溝外預備策應守備陳應彪千總陳明楊存福

等領各營騎馬弁兵共三十餘騎從山頂衝壓  
馬賊其餘各山包或兵勇七八十名或三四十  
名分投佔住不令賊匪裹繞正在分佈之際各  
股賊匪分投衝撲我兵鎗箭並發先用進步連  
環擊倒前賊數十人後賊仍蜂擁而進並執旗  
招集各股賊匪併歸一處衝冒鎗烟捨命抗拒  
守備張霞舉等疊用大礮向人稠處轟擊不絕

斃賊甚多賊衆仍抵死不退臣明亮來往督率

指示間忽見賊人馬隊一夥約百餘人自東西

突出抄至對面意欲包裹大隊使我兵腹背受

敵臣明亮親率弁兵家奴等從山梁盡力衝壓

該匪意存輕視加疾兜圍千總陳明在前連發

數矢射倒二賊內有執旗賊一名弁兵等乘勢

而進射斃馬賊五十餘人匪衆始行敗退直下

溝底稻田泥陷大半被兵勇擒獲外委鄭永祥  
往來馳射斃賊數人身受矛傷陣亡維時張霞  
舉見馬賊全敗聲言衆賊敗竄我兵趕緊衝撲  
外委李金峯彭永吉等聞知卽催兵一齊競進  
鎗礮所及應聲而倒斃賊三百餘人餘匪支持  
不住始滾坡亂竄向東南山內奔逃官兵追殺  
十餘里沿途擊斃馬步賊匪甚多天色將晚正

令官兵分紮山梁忽有伏賊馬步三百餘人自  
山後林內突出兼之各村林中伏賊亦搖旗吶  
喊而來臣倭什布督率各溝內策應官兵一齊

擁出分投擊殺斃賊六七十人有同知胡壽芝  
縣丞周以焯亦帶領丁役俱奮勇直前追殺賊  
卽遶山而逃併入前隊奔逸是日自辰至酉分  
投痛剿共計擒殺賊匪六百餘名割獻耳記三

百七十五件生擒馬賊劉興桂等二十三名步  
賊周旺等一百七十七名劉王氏等七十三口  
當場散出被擄民人傅天爵劉尙志王高氏等  
五百四十七名口賞與盤費給照寧釋隨訊據  
劉興桂等同供此夥係徐三爲首伊兄徐添德  
在內主謀又有張掌櫃洪榮同羅掌櫃不知名  
字合爲一股又有僞元帥任端甫梁成賢頭目



陳四張元貴騾馬六七百頭匹向用馬賊在前  
衝陣等供并認出現擒馬賊有梁成賢在內又  
劉興桂等九名并已死馬賊內張陞等三名俱  
係馬賊頭目步賊內羅發祥等十九名張高氏  
等七口係徐添德張洪榮等親屬當卽齣割其  
餘馬步賊匪葉玲周旺及劉王氏等二百三十  
七名口均係川陝正賊概予駢誅并將搶獲騾

匪鎗矛器械分賞兵勇賊目首級懸示各處人  
人稱快孫清元一路將黃號樊八傑白號蕭四  
等逆節次兜剿日就窮蹙現據稟報由竹山泥  
灣郭家洲一帶截剿至竹谿縣屬之縣河鋪地  
方接仗兩次殺賊三百餘名生擒六十一名搶  
獲器械五十餘件官兵聲威極盛詎該匪從蕉  
嶺崗沈家營捨命向北翻界嶺銅錢關欲入陝

境當經守備吳純俊外委李廷良千總銜首領  
侯建業在界嶺外七里溝抄截賊匪帶領兵勇  
首先迎擊衝入賊隊奮不顧身短刃相接殺死  
馬賊三名步賊十餘人吳純俊李廷良力竭陣  
亡侯建業身帶重傷叅將吉林泰帶兵趕往直  
前撲擊斃賊多名匪衆始行退敗其在楚省裹  
脅民人逃出殆盡臣等以竹谿東北毗連陝省

白河洵陽地界叠次札飭抄道兜截不令竄出  
並先咨會台布恒瑞等就近酌撥兵力及白河  
等縣集勇攔截以壯聲勢今該匪既離陝境甚  
近正可乘其窮敗夾擊集事至苟逆一股在巴  
歸邊境內龔家橋平陽壩等處游奕連被分防  
兵勇截擊因前派遊擊蔣攀龍追剿兵力稍單  
未能攔截繼令王凱帶兵前往剿辦未抵該處

據巴東縣稟報賊人聞官兵將到由相思嶺遁  
南折至房屬烏雲頂竄至川省大寧縣大昌地  
方臣等早經照會總兵德英額就近沿邊截擊  
俟其兜回仍可兩面遇剿此股人數無多自不

虞其牽綴其鄖西邊防據道員恒慶稟報洵陽  
大股賊匪現復竄近東川一帶又山陽九里坪  
鎮安磨石溝另有小股賊人距蒿坪堽漫川關

八九十里百餘里不等恒慶親率各員并分投  
竭力守禦臣等查黃白線字號樊逆等經官兵

分股痛剿窮敗已極亦急思覓路逃竄現飭孫

清元等設法兜擒毋致遠颺至鄖西邊卡練勇

素稱驍健經恒慶率同知縣孔繼榘督飭堵截

屢著勤勞惟該境貼近山陽鎮安洵陽賊股較

多防勇究形單弱臣等商議已將前防均州房

縣官兵內湊成一千名撥往交該道管帶以資  
守禦至青號徐三等逆復有徐添德在內

臣明

亮前在川省帶兵知其最爲狡猾今被我兵痛  
加殲擒已喪膽奔逃自不難尅期剪除日前該  
匪分股試探江岸經河南臬司完顏岱率領兵  
勇截殺甚爲得力現在均穀一帶可以放心該  
匪等已向盛家壠石門等處入山此一路係走

南漳地界并可通茨河襄陽小河口荆門州大路<sub>臣</sub>等卽日乘勝兜進不與以暇以冀尅期掃蕩斷不令其漏越他竄此次<sub>臣</sub>等一路及孫清元一路連次打仗僅守備吳純俊外委鄭永祥李廷良力敵陣亡其餘兵勇間有傷亡應俟查明另行咨部辦理奏入

上命軍機大臣傳諭明亮倭什布曰此次明亮倭什



布調派官兵分投截剿雖未拏獲著名賊首而於賊匪衝出兜裏時親率弁兵等從山梁盡力壓下擊殺賊匪並殲斃馬步賊多名深爲可嘉明亮著加恩陞授三等待衛以示獎勵干總行營守備陳明於賊匪衝壓時連發數矢射倒三賊並斃執旗賊一名賊匪始行敗退亦屬出力陳明著卽以守備陞補並賞戴花翎其孫清元一路帶兵打仗之

叅將吉林泰在界嶺外七里溝抄截賊匪直前衝  
撲斃賊多名賊匪不能闌入陝境亦屬奮勇吉林  
泰著加恩遇有副將缺出卽行奏補並賞給噶爾  
薩巴圖魯名號仍照例賞銀一百兩以示優獎千  
總銜首領侯建業殺賊十餘名身帶重傷著卽實  
授千總守備吳純俊外委李廷良截殺賊匪首先  
衝入賊隊奮不顧身力竭陣亡殊爲可惜俱著咨

部加等賜卹其在趙家山帶兵殺賊中矛陣亡之外委鄭永祥著咨部賜卹現在青號黃號等股經官兵痛加剿殺勢已潰散但據明亮審訊獲犯供稱青號賊股有徐添德在內爲之主謀徐添德係川省賊匪首先起事之犯與王三槐同爲首惡素極狡猾今旣在青號股內必須設法速行拏獲明見此次殲擒賊匪並非首逆尙且加之恩獎如果

能擒獲徐添德則其功不小不僅循資按格子以  
陞賞必當破格加恩不可不倍加奮勉至徐添德  
擒獲後如受傷不重該犯係屬首惡自應解京審  
辦如被擒傷重恐解京或至在途自斃倖逃顯戮  
卽於該處凌遲處死以昭炯戒倘未能生擒卽臨  
陣殲斃亦可但必須將該犯實係何人擒獲何人  
殲斃之處據實奏明設使徐添德被剿情急自行

投出亦應將如何投出實情明白具奏至郿西一帶祇有恒慶孔繼梓帶領兵勇在彼堵截尙形單弱明亮等已於均州房縣防兵內奏撥一千名俾資守禦所辦亦好該處與山陽鎮安等處地界毗連現在陝省官兵分路逼剿正當喫緊之時恐賊匪不能西竄又思乘間突入楚境防範最宜嚴密如恒慶等果能實力堵禦截住賊匪明亮等卽當

據實保奏倘防範不力稍有疎懈亦應指名嚴參  
治罪明亮俟楚省賊匪剿淨卽帶領勝兵前赴陝  
省幫同額勒登保等剿賊以期迅速肅清事至楚省  
官兵剿賊尤在地方官實力嚴堵方可得力據奏  
該處竄匪分股試探江岸經河南臬司完顏岱帶  
兵擊退可見賊匪已有欲圖竄豫之勢東北最爲  
緊要倭什布係湖北巡撫現在帶兵自必呼應更

靈必當預爲籌畫設法堵截姜晟現駐省城亦當  
悉心佈置妥爲派撥毋任賊匪得以乘間擾及東  
路此爲最要

同日勒保奏言竊臣途次江油屬之中壩場接

據探報賊衆自關口寺合夥之後經百祥一路

官兵截殺又分股散竄現在龍安府城腹背受

敵該署守備爲耽請兵救援甚急臣卽連夜催

兵進發二十四日帶同阿哈保所領吉林索倫  
馬隊先抵龍安據報黃號之賊欲由原路折回  
甘省業經百祥帶兵追截藍號之賊甫於二十  
三日由龍安府城對河之滙口一路竄逸而府  
城後山有白號之賊已到鐵籠堡番兵不能抵  
禦退回該處之鐵鎖橋番兵即將橋拆斷賊在  
對山屯聚臣因查滙口賊竄較遠自應就近先



剿鐵籠堡之賊卽一面督率現到兵勇在後山  
用礮轟擊一面飭令地方文武帶同土通判王  
璣作速搭橋濟渡無如該匪等在山梁施放滾  
木插石兵夫無從駐足隨據王璣稟稱相距鐵  
籠堡四十里之橋上里地方有獨木橋一道可  
通火溪溝在鐵籠堡之上惟馬匹不能乘騎臣  
當令該土官帶道隨同副將薛大烈挑派奮勇

官兵馳往截擊二十六日巳刻我兵方抵獨木  
橋邊見有白旗三杆賊衆數百人正在對面半  
坡下走並有十餘賊已到橋邊官兵均卽棄馬  
步行立時搶佔過橋砍殺數賊餘衆踉蹌退踞  
山梁薛大烈卽督兵攀援竟上不避鎗石搶上  
山梁奮力殲殺斃賊一百二十三名生擒賊目  
董大榜並賊匪張子振等三十八名餘皆滾跌

巖澗逃去者不過數十人訊據活賊供稱白晝  
偽元帥馬朝禮卽馬五因見鐵籠堡對面已有  
官兵前來搭橋恐不能久佔探知橋上里地方  
有小橋可過派令賊目董大榜帶戰手四百名  
前來扼住此路大衆卽可由此過河直赴青川  
白水竄出陝境不料正遇官兵到來致被殺散  
等語維時薛大烈探知大隊賊匪已由鐵籠堡

竄至馬鹿山距橋上里不過十餘里該處又通  
水泉關乃係出甘省文階之路恐賊知前隊已  
被官兵剿殺復向水泉關竄去薛大烈當卽帶  
兵乘勢直趨馬鹿山該匪等一見官兵卽亡命  
奔逃時已昏黑不便窮追是以鐵籠堡之橋業  
經搭就臣督同阿哈保等帶兵於二十七日五  
更過河未刻在陳家溝地方正遇賊人奔竄我

兵立時迎擊將賊匪截爲兩段維時薛大烈之  
兵亦從左手山梁壓下兩面殲殺斃賊二百餘  
名生擒魯中世等一百十三名投出難民男婦  
一百五十六名口惟馬朝禮帶同四百餘人在  
前行走由梯子驛一路向南而逸該處山勢萬  
分險峻俱係密箐深林旣不能竄赴青川已杜  
其入陝之路想該匪等亦無從遠竄至百祥一

路官兵追剿黃號之賊在土城子地方截住竄  
甘之路該匪等折向水晶堡一帶二十二日在  
王家灣躡淺渡河百祥帶兵於未刻趕到直前  
追殺賊衆撲河淹斃者有二百三百人殺死一百  
餘名生擒陳斐等三十六名百祥亦卽紮筏渡  
河跟蹤追躡臣現今其繞出賊前由麻地口一  
路自西而東退往松潘去路再行相機兜擊至

藍號之賊所稱高家營者尙有二千餘人現在  
舊堡子一路游奕查施縉之兵由茂州石泉一  
路遶道而來現據稟報已抵平武之藥鼓山正  
距舊堡子不遠臣又飛飭該鎮卽速帶兵進剿  
務令將賊匪逼歸一路庶賊合而官兵三路兜  
圍可期一鼓蕺事再查龍安西北兩面在在俱  
通番地山路叢雜到處俱係偏巖老林其情形

實與陝省終南山無異若令其深入番地或竄  
回甘境辦理未免費手是以臣一路之兵則由  
番境東北而進百祥一路之兵由番境西北而  
進施縉一路之兵由南路而進分投兜截漸逼  
漸近自更不難得手奏入

上命軍機大臣傳諭勒保曰高二馬五等股賊匪在  
鐵籠堡地方屯聚勒保督兵馳往搶過獨木橋奮



力剿殺先後殲斃賊匪二百餘名生擒賊目董大  
榜及賊家張子振等三十八名並投出難民一百  
五十餘名所辦俱好現在該處賊匪竄入番地番  
衆素稱强悍且言語服色與賊互異斷不肯爲賊  
裏脅勒保正可乘賊匪在番地之時痛加剿殺尅  
期集事况勒保處現有百福施綰等帶領各股生  
力勁兵更可將賊逼歸一處三路兜圍以期一鼓

殲擒斷不可使賊匪竄出番地復有裹脅良民之  
事並須嚴密堵剿勿任賊再竄入甘境方爲妥善  
勒保俟高馬各股賊匪剿淨後卽帶兵幫助德楞  
泰剿辦川北竄匪伊係本省總督一切防堵事宜  
是其專責此時川北賊匪又思竄渡嘉陵江西岸  
宜嚴飭地方文武多派兵勇實力堵截不可稍有  
疎虞勒保係屬棄瑕錄用之人尤當加倍奮勉剿

賊立功方爲不負委任

初九日 辛酉

上命軍機大臣傳諭各路領兵大員四川陝甘湖北  
各督撫曰教匪滋事起於湖北枝江宜都等處沿  
及河南陝甘四川地方四載以來經各路官兵剿  
殺擒獲首逆多名其夥黨附從之人殲戮者亦不  
可勝計每一念及朕心爲之惻然此等習教之徒

俱係內地編氓其初不過爲斂錢起見並未敢糾  
衆滋事若地方官設法勸禁原不難消患未萌無  
如州縣等以查拏教匪爲名任聽胥役訛詐恐嚇  
或以一人而株累多人或以一案而牽連多案輾  
轉追求使若輩無容身之地遂致激而生變皆以  
官逼民反爲詞攘奪之不已則繼之以焚掠焚掠  
之不已則繼之以裹脅裹脅日衆黨與日多因而

抗拒官兵肆行無忌不敢投降恐干刑戮亡命日  
久欲罷不能其實節次殲擒首逆姚之富齊王氏  
王三槐冉添元高均德張漢潮等祇係往來掠食  
冀延殘喘並未敢擅立僞號佔據城池有謀爲不  
軌之意現在各路大兵雲集屢獲勝仗四川陝西  
湖北竄匪日見窮蹙惟四散奔逃蹤跡無定帶兵  
大員等祇能視賊所向奮力追擊而地方各官全

無攔截賊匪仍可乘間脫逃是以總不能悉數掃  
除若能將各處地方要隘一律防堵嚴密使賊匪  
不能衝入則野無所掠所向輒窮加以大兵追捕  
自可立就殲除是各州縣團練鄉勇分卡嚴守爲  
目前第一要策惟在該督撫等責成地方官認真  
辦理用收實效如果各州縣要隘地方所設卡座  
一體嚴密帶兵大員探明賊匪屯聚之處直前掩

捕賊匪自必紛紛逃竄一經逼近卡隘該處防守  
練勇卽奮力迎擊若能將賊匪痛剿固屬甚善否  
則立時驅散總不令賊匪一名闖入稍有停留各  
卡隘皆如此認真守禦賊匪無路奔竄俾帶兵大  
員得以盡力追剿以次殲擒自可尅期蕝事其防  
守卡座之練勇果能堵禦嚴密殺賊立功地方官  
卽當報明經畧叅贊督撫等奏請先行酌賞六七

八品頂戴事竣後送部引見候朕酌其才具分別  
文武實授以現任之官其不願出仕者給予頂戴  
榮身俾鄉勇知建有勞績卽可送部引見實授官  
職共出力之衆鄉勇亦當奏明酌量蠲免錢糧以  
示鼓勵其地方官有能實心團練督率防守出力  
經畧叅贊督撫等亦當指名保奏逾格陞擢如州  
縣中有年力衰邁懦弱無能者當此責成防禦之



時自當酌量奏明更換若年老而能得民心足資倚任亦可不必遽易生手至鄉勇中有拏獲賊首者經畧等當據實指名奏出卽屬伊等之功倘攘爲已有致掩鄉勇功績事後查出伊等不但無功而且有過如前次額勒登保將盤獲王登廷之鄉勇向文繡據實奏聞方爲公正再軍營招撫事宜節次所降諭旨甚明難民等被賊裹脅室家田畝

俱已蕩然投出後若仍令流離失所其尙在賊隊者必致裹足不前總在地方官妥爲撫卹謀及棲止衣食俾各遂其生方可廣示招徠解散賊黨其實在教匪若能棄械投誠亦不究其既往如從前臺灣叛案內之莊錫舍悔罪自首卽予武職歷年在福建洋面捕盜屢次出力擒至副將大員湖南苗匪吳隴登歸誠後賞給五品頂戴花翎卽從前

投出之洋盜張表李發枝等及現在閩粵兩省洋盜聞風投首者亦俱加恩賞給頂戴可見匪徒等果能悔悟悛改卽屬良民不特保全軀命並可頂戴榮身此一節著經署叅贊等遵照前旨廣爲曉諭俾賊匪等知有生路相率來歸於剿捕事宜更有裨益也

初十日

壬戌

長麟奏言竊

臣

節次欽奉

諭旨深以賊入老林爲慮查南山以內凡樹木叢鬱之所皆謂之老林而五郎以西尤爲廣遠處處可通斷不能周布兵勇嚴密遮守惟於五郎高關一帶北自秦嶺南達漢江據險紮營分設防堵賊匪自不能越北而西肆行奔竄臣王擬卽將現在所帶之兵趕向豐峪進發欲赴五郎探聽賊蹤先行相機迎截間又於途次接據孝義

廳稟報賊匪已竄抵廳境之小山岔楊泗廟距樓子石僅五里查樓子石翻山卽係大峪口出口卽係平原沃壤距西安省城不過數十里山外居民素未經賊若致賊匪直趨平地不惟省垣重地必致驚震而沿山西去如鄠縣盩厔郿縣等處皆富庶之區亦必盡遭蹂躪且無兵攔截並可由汧隴直趨甘省索費英阿之兵雖在

西面但能防堵山內不能兼顧山外臣聞信實

屬焦灼權衡緩急臣不但不當赴商雒並不當

遠赴五郎反置目前之賊於不顧勢須先於大

峪口一帶嚴密防堵庶省垣藉資保護而平原

完善各處亦可恃以無虞臣當卽改道行走晝

夜兼程已於初五日酉刻馳抵距大峪口一百

二十里之渭河西岸趕緊多集船隻迅令官兵

過渡夜半可以全數過河臣卽於四鼓拔營起

身沿途催趨務於初六日午未之間督率官兵

全數趕至大峪口現已多差遠探如賊匪於臣

未經趕到之前已經竄出峪口臣卽迎頭截擊

如尙未竄出臣卽在峪口堵禦總期相機妥辦

臨時再當奏

聞再此股賊匪聞有額勒登保在後緊躡追蹤卽或

竄出峪口臣總可與額勒登保前後夾攻斷可

無虞散漫至索賈英阿等防守江口一帶之兵

此時若調赴五郎恐山徑紛歧中途與賊相左

轉不免有疎縱之虞臣已飛飭各該鎮等仍在

江口一帶晝夜小心加意防守并移咨台布查

照俟將來察看機宜如有應行札調各該鎮等

帶兵前進之處另行辦理奏入



上命軍機大臣傳諭長麟曰陝省孝義一帶竄匪由該廳之小山岔地方擾近樓子石翻山卸係大峪口相距省城不遠長麟接到稟報後卽改道前赴大峪口督兵防堵保護省城不使賊匪竄入平原完善地方亦祇可如此辦理現在額勒登保那彥成自東而西兩路逼剿各股賊匪自必分投折竄長麟在大峪口扼要防堵當率領官兵迎頭截剿

以收夾擊之效至陝省鄉勇自秦承恩以後至長  
麟台布接任以來如有實在出力殺賊立功而未  
經保奏者並著長麟查明據實具奏候朕補行加  
恩俾圖練等益加踴躍